

RIWAYAT PERJUANGAN MASYUMI INDONESIA

Dalam penghujung bulan Disember yang lalu di Surabaya telah diadakan muktamar tahunan Masyumi yang ke- 7 iaitu muktamat sudah Masyumi genap usianya sembilan tahun. Muktamar yang diadakan pada kali ini adalah muktamar yang sangat besar sekali maknanya kerana mengingat bahawa dengan tiadanya Masyumi di dalam pemerintahan sekarang yang berjalan selama setahun setengah pemimpin-pemimpin Masyumi dapat pergi merata-merata diseluruh Indonesia untuk memberikan faham bahawa perjuangan Masyumi ialah untuk menegakkan kalimah Allah yang maha tinggi di dalam negara Indonesia dengan bercita-cita supaya hukum Tuhan dijalankan di sana.

(Oleh Penyambil)

Di dalam keadaan perpecahan umat Islam yang ada sekarang di Indonesia molek benar rasanya di sini kita memerhatikan apakah dia Masyumi itu. Yang demikian ini munasabah benar dengan masa sambutannya yang diadakan di Surabaya baru-baru ini.

Masyumi ialah ringkasan perkataan daripada “Majlis Syura Muslimin Indonesia” yang dibina pada 10 November 1945 iaitu sudah tiga bulan isytihar kemerdekaan Indonesia diisyhiharkan oleh Sukarno– Hatta.

Persidangan yang bersejarah sebagai tujuan Masyumi ini diadakan di Jogjakarta di dalam mana wakil-wakil daripada semua pertubuhan Islam di seluruh Indonesia – persis, Nahdat al-‘Ulama’, Muhammadiyah, Partai Sarekat Islam Indonesia dan lain-lain telah mengadakan suatu ikrar (baiah) mengakui bahwa tidak ada sebuah pun pertubuhan Islam yang akan menyelenggarakan hal-ehwal siaysah bagi umat Islam Indonesia selain daripada Masyumi.

Ringkas di dalam baiah itu dipersetujukan bahawa urusan siaysah umat Islam di seluruh Indonesia dengan cita-citanya untuk menegakkan berlakunya hukum Allah di Indonesia hendaklah diurus oleh Masyumi sedang badan-badan

yang lain bebas menjalankan langkah-langkahnya di lapangan lain seperti pelajaran, sosial dan seumpama iaitu selain daripada usaha yang mengenai perihal siaysah.

Ahli-ahli bagi Masyumi diletakkan pada dua macam ahli iaitu ahli yang bergabung dan ahli perseorangan. Yang daripada badan-badan Islam hendaklah menggabungkan dirinya sebagai ahli persatuan sedang ahli perseorangan adalah ia berhak terus menjadi anggota Masyumi. Yang kedua ini adalah khasnya ditujukan kepada ahli-ahli cerdik pandai yang diharap tenaganya berguna untuk memperjuangkan cita-cita Islam.

Masa persatuan itu berjalan dengan baiknya tetapi rupanya cita-cita yang murni daripada persatuan itu tidak dapat menghapuskan perasaan melebihkan kedudukan pertubuhan asal masing-masing dan dengan demikian apabila tertaubat suatu jemaah menteri dan kerana di dalam jemaah itu tidak ada pula orang-orang daripada Partai Sarekat Islam Indonesia maka Partai Sarekat Islam Indonesia menarik diri daripada menjadi anggota Masyumi dengan alasan-alasan yang diadakan “tetapi hakikatnya yang sebenarnya ialah kerana

tidak mendapat kedudukan di dalam Masyumi.

Kemudian perpecahan itu disusuli oleh golongan

Masyumi pemimpin pemberontakan Islam di Jawa Barat yang bergelar Dār al-Islām itu kerana tidak puas hati dengan langkah kerajaan dan kerajaan Indonesia itu tidak didakarkan kepada pemerintah Islam.

Di mana penduduk Islam di sana ada seramai sembilan puluh peratus, ia bersetuju akan cara perjuangan Masyumi dengan jalan perlumbagaan – ia menghendaki supaya dijalankan kekerasan untuk menegakkan negara Islam di tanah air mereka itu.

Riwayat yang terjadi ke atas Partai Sarekat Islam Indonesia itu mengulang semula. Hal ini berlaku iaitu apabila di dalam jemaah menteri Masyumi yang ditaja dengan kerjasama Masyumi dan parti kebangsaan, menteri agama diberikan kepada Kiyai Faqīh ‘Uthmān (Dari Muhammadiyah) padahal pada masa-masa yang terdahulu semuanya boleh dikata adalah dipegang oleh Nahdat al-‘Ulama’ dan kerana kerusi itulah pula nampaknya Nahdat al-‘Ulama’ menarik diri dengan memberi berapa alasan di antara tentang ahli yang bergabung dan ahli yang bersendirii tetapi menurut punca-punca yang mengetahui hal yang sebenarnya ialah disebabkan oleh kerusi.

Hal yang demikian ini lebih jelas lagi tatkala Masyumi Masyumi diberi tugas untuk membentuk jemaah menteri yang ada sekarang. Masyumi enggan bersama-sama membina jemaah menteri itu oleh kerana di dalamnya didapati, di dalam bentuknya beberapa nama yang Masyumi tidak dipercayai oleh pemimpin-pemimpin Masyumi di antaranya seperti menteri perekonomian (Mr Ishaq) menteri pertahanan (Mr Aiwa) dan menteri kewangan.

Masyumi menolak tetapi Nahdat al-‘Ulama’ Partai Sarekat

Islam Indonesia dan parti (yang bergantung di atas nama liga Muslimin Indonesia) menyokong. Hal yang sangat mendukacitakan ini berlaku ialah pada pukul 5 petang sehari sebelum kuasa (mandat) Wawangso Negoro diserahkan ia dengan telefon memberi tahu kepada orang-orang Nahdat al-‘Ulama’ bahwa jika ia tidak menerima maka terpaksa ia menyerahkan semula hendaknya dan kerana itu jawapan yang tepat mesti diberi. Apakah jawapan itu menunggu masa berfikir lagi? Ia terus menyanggupi dan kerana itu tertubuhlah jemaah menteri ‘Alī Wawangso Negoro yang ada sekarang. Adalah dikatakan apabila berita penerimaan daripada Nahdat al-‘Ulama’ disampaikan kepada Muhammad Natsir (ketua Masyumi) beliau mengeluarkan air mata, kerana beliau hairan bahawa perjuangan yang sebenar untuk kesejahteraan negara tidak diutamakan sedang yang diutamakan nampaknya hanya kerusi semata.

Apakah yang dikatakan oleh Masyumi itu salah? Tidak!

Baru-baru ini ketidak puas hati terhadap menteri yang tidak digemari oleh Masyumi itu telah mengegarkan perasaan umat di Indonesia kerana di dalam perjalanan jemaah menteri yang ada sekarang keadaan bebanan rakyat semakin bertambah susah sedang beberapa orang penganjur telah mendapat durian runtuh yang terbit daripada peluang-peluang istimewa. Kerana perbuatan beberapa menteri-menteri itulah pula perubahan-perubahan dikehendaki dan sekali lagi peristiwa kerusi meliputi Nahdat al-‘Ulama’, Partai Sarekat Islam dan parti.

Akhirnya timbul suatu istilah bahawa mereka itu adalah mengambil jalan untuk menegakkan Islam bersama-sama dengan pasti komunis dan kebangsaan. Yang sebenar cita-cita komunis dan Islam itu adalah bertentangan dan mustahil boleh dibawa bekerjasama untuk menegakkan hukum -sambungan pada muka 25

itulah padahnya manusia hangus terbakar oleh hasil ciptaan akalnya sendiri.

Jelasnya, agama adalah memegang peranan penting dalam masyarakat hidup manusia, dengan agamalah manusia dapat mengatasi sebarang krisis moral, keruntuhan akhlak tetapi jangan pula silap faham maksud agama di sini, kerana kalau agama itu semata-mata difaham iaitu pelajaran agama, tidaklah memberi erti, kerana berapa banyak orang yang mempunyai pelajaran agama, kalau ditimbang kitab pelajaran agamanya sudah lebih dari satu tan, taman semata-mata pelajaran agama belum menjamin ketenteraman hidup yang saya katakan tadi, tegasnya belum menjamin dapat mengatasi krisis moral yang kita dan dunia sedang alami hari ini. Tetapi agama yang saya maksudkan itu ialah didikan agama, didikan meniuup dan menanam roh iman di dalam agama, didikan meniuup dan menanam roh iman di dalam dada, kerana dengan pendidikan agama inilah baharu memberi kesan yang memuaskan.

Sebaik zikir ialah perlahan-lahan; dan sebaik-baik rezeki atau penghidupan ialah cukup – (maksud hadis Sharīf).

*

Allah tetap menolong hambanya selama hamba itu menolong saudaranya – (maksud hadis Sharīf)

-sambungan dari muka 10

Islam di negara Indonesia

Di dalam masa inilah Masyumi dapat berjalan lebih kuat dan lebih mendalam di dalam perasaan rakyat kerana apa yang disebut dan ditakuti oleh Masyumi terzahir dengan terangnya seperti siang sedang anggota-anggota Nahdāt al-‘Ulamā’ sendiri sudah tidak puas hati dengan pemimpin yang mahu bekerjasama dengan komunis.

Di sebalik itu orang hairan mengapa pula Nahdāt

al-‘Ulamā’ dan parti-parti Islam yang lain tidak dapat bekerjasama bersama-sama dengan pertubuhan-pertubuhan Islam seperti Masyumi sedang dengan komunis dan kebangsaan boleh? Inilah soalnya sekarang yang boleh dijadikan bukti bahawa kerana kerusi perjuangan cita-cita yang murni menjadi pecah belah, baiah yang dibuat diingkari dan perpecahan inilah yang dikehendaki oleh kemunis kerana dengan perpecahan itu dapatlah ia melumpuhkan perjuangan Islam di Indonesia yang dipelopori oleh Masyumi yang ditakuti itu

Komunis menyepak al-Quran

Akhbar-akhbar Islam di Indonesia telah ribut lagi apabila seorang bernama Payaran, di Medan telah menghinjak-hinjak al-Quran. Payaran adalah seorang komunis – pengikut parti komunis Indonesia.

Ia melakukan perbuatan itu ialah menunjukkan kepada jiran-jiranya bahwa kononnya Quran itu satu benda yang tidak berharga. Mula-mula ia mendudukinya kemudian menyepak-nyepaknya lalu ia lari dari tempatnya.

Melihat penghinaan yang tersebut orang-orang Islam di Medan telah mengadakan persidangan agung untuk menuntut pemerintah supaya mengambil langkah yang tepat kepada penghina-hina agama itu.

penggal 1 dan 2 sudah siap - sepenggal \$ 1.20

‘Umar Ibn al-Khaṭṭāb

oleh: ‘Abdullāh Basmeh

silalah pesan kepada:

Qalam Press Ltd..

356-358, Geylang Road, Singapore 14.